



Hanya Isa Almaseh
Nyang Peuseulamat

Aneuëk nyan harôh gata boh nan Isa, sabab Gobnyan kheueh nyang peuseulamat umat Gobnyan nibak desya-desya awaknyan." Matius 1:21

Sabab Allah lumpah that geugaséh donya, sampoe Gobnyan geubri Aneuëk Gobnyan nyang tunggai, mangat tieb-tieb ureuëng nyang meuiman ubak Gobnyan bék binasa, teuma meuteumé udeb seujati dan keukai. Yohanes 3:16

Geujaweueb lé Isa, "Ulôn kheueh rot, Ulôn kheueh nyang beutôi dan udeb." Hana meusidroë pih nyang hase jijak ubak Bapak, meunyoe hana meulalu Ulôn. Yahya 14:6

Sabab dimiyueb donya nyoe hana meusaboh kuasa nyang laén nyang geubri lé Allah keu manusia nyang teupeuseulamat geutanyoe. Kisah Rasui-rasui 4:12

Nyang phon-phon that ulôn peusampoe ubak gata peue nyang ka ulôn teurimong: bahwa Almaseh maté keu desya-desya geutanyoe, lagée nyang na teutuléh lam Alkitab. Gobnyan ka teupeukubu, teuma bak uroe nyang keu lhée Gobnyan geupeu udeb lom teuma, lagée nyang na teutuléh lam Alkitab: 1 Korintus 15:3-4

Sabab ngon maté Almaseh, tanyoe ka teupeubeubaih, dan desya-desya tanyoe ka geupeu amphon. Efesus 1:7

Na peuët boh keubeunaran njang harôih ta meuphom deungon djroh:

1. Allah that-that geugaséh keu gata.

Gobnyan geutem gata meuteumé udeb seujati dan keukai lam syeuruga meusajan Gobnyan.

Sabab Allah lumpah that geugaséh donya, sampoe Gobnyan geubri Aneuëk Gobnyan nyang tunggai, mangat tieb-tieb ureuëng nyang meuiman ubak Gobnyan bék binasa, teuma meuteumé udeb seujati dan keukai. Yohanes 3:16

Gobnyan geutem gata na udeb nyang meulimpah dan meumakna meusajan Gobnyan.

Pancuri teuka keu jihak ceumeucue, jihak poh maté dan jihak peurusak. Ulôn teuka mangat awaknyan meuteumé udeb nyang leubeh meulimpah.

Yahya 10:10

Bah pih meunan, le that ureueng nyang hana geualami udep nyang meumakna dan hana yakin peu kheueh awaknyan na udep keukai sabab...

2. Manusia meudesya bak sifeuet jih. Nyang kheueh sabab jih jihnyan teupisah nibak Po teu Allah.

Banmandum ka meudesya.

Banmandum ureuëng ka meudesya dan ka jiôh nibak keubeusaran Allah.

Roma 3:23

Sabab cinta keu péng na kheueh ukeue nibak mandum keujeuhetan...

1 Timotius 6:10

Upah desya na kheueh maté.

Sabab upah desya na kheueh maté... Roma 6:23

Alkitab geupeugah dua boh jeunèh maté:

- Keumatian fisik

Manusia ka geupeuteutab maté sigoe teuma óh lheuehnyan teuma teuhuköm. Hebrews 9:27

- Mate rohani atawa meupisah keukai ngon Allah lam nuraka

Teuma ureuëng-ureuëng nyang teumakot, nyang hana meuiman, ureuëng-ureuëng jeuhet, tukang poh maté gob, ureuëng-ureuëng jeuhet, tukang sihe, ureuëng-ureuëng nyang seumah beurala, dan ureuëng-ureuëng nyang meusulet, awaknyan teuma jiteurimong lam danau nyang hu dan beulerang nyan. Wahyu 21:8

Meunyo manusia ka meupisah ngon tuhan sabab desya jih, peue keuh solusi keu masalah nyoe? Tanyoe kayem ta pike bahwa solusi jih nakeuh: agama, buet nyang jroh, dan adab nyang jroh.

Teuma solusi nibak Allah na saboh mantong.

3. Isa Almaseh na kheueh saboh-saboh jih jalan u syuruga.

Nyan kheueh peunyata Po teu Allah.

Geujaweueb lé Isa, "Ulôn kheueh rot, Ulôn kheueh nyang beutôi dan udeb." Hana meusidroë pih nyang hase jijak ubak Bapak, meunyoe hana meulalu Ulôn. Yahya 14:6

Gobnyan ka geubayeue banmandum huköman ateueh desya-desya geutanyoe.

Sabab Almaseh pih ka maté sigoe mantong keu desya-desya, Gobnyan nyang jroh keu ureuëng-ureuëng nyang hana ade, mangat Gobnyan geuba geutanyoe ubak Allah. 1 Peter 3:18

Sabab ngon maté Almaseh, tanyoe ka teupeubeubaih, dan desya-desya tanyoe ka geupeu amphon. Efesus 1:7

Gobnyan geupeu janji keuhai udeb seujati dan keukai.

Ureuëng nyang meuiman ubak Aneuëk nyan teuma meuteumé udeb seujati dan keukai. Teuma beungéh Po teu Allah teutab na ateueh ureuëng nyan. Yohanes 3:36

Sabab upah desya na kheueh mawöt; teuma meuneubri nyang geubri lé Allah na kheueh udeb seujati dan keukai meulalu Isa Almaseh, Tuhan geutanyoe. Roma 6:23

4. Geutanyoe peureulee tapeucaya ubak Isa Almaseh mangat teupeuseulamat.

Keuseulamatan geutanyoe na kheueh sabab rakhmat Allah nyang meuiman ubak Isa Almaseh.

Sabab lé Allah geupeu seulamat gata, sabab gata meuiman ubak Almaseh. Dan bukon nibak buet gata keudroe, mangat hana meusidroe pi nyang hase jipeusombong droe. Efesus 2:8-9

Sabab tieb-tieb ureuëng nyang meulakée ubak Tuhan teuma seulamat. Roma 10:13

Doa Ureueng Meudesya

Meudoá kheueh nyoe ngon iman.

Tuhan Isa, teurimong geunaseh that ka neugaséh keu ulôn. Lon meungaku bahwa lon nyoe ureung meudesya dan lon lakee ampon bak droeneuh. Teurimong geunaseh keu mate Droeneueh ateueh kayée saleb, kubu, dan keubangkétan keu neubayeue banmandum desya-desya ulôn. Ulôn peucaya ubak Droeneueh sibagoe Tuhan dan Juru Seulamat ulôn. Lon teurimong hadiah udeb seujati dan lon seurah udeb lon keu Droeneueh. Tulông kheueh ulôn mangat ulôn taát ubak banmandum peurintah Droeneueh dan jeuet keu nyang mangat até Droeneueh. Amin.

Meunyoé gata ka tapeucaya ubak Isa Almaseh, hai-hai nyang ka teujadi ateueh gata:

- Jinoenyoe, gata na udeb seujati dan keukai ngon Allah.
Gobnyan nyang utus Ulon na kheueh keuheundak Gobnyan: tieb-tieb ureueng nyang kalon Aneuek Ulon dan meuiman ubak Gobnyan, meuteumé udeb seujati dan keukai. Yohanes 6:40
- Banmandum desya gata ka geubayeue dan geupeu amphon.
(masa lalu, masa jinoe, masa ukeu)
Teuma Isa Almaseh geupeuseumah keureubeuen nyang sigoe sagai keu teupeu amphon desya. Ibrani 10:12

- Gata na kheueh ciptaan nyang barô dikeue Allah. Nyan keuh awai udep baroe droeneuh.

Ureuëng nyang ka meusaboh ngon Almaseh, ureuëng nyan ka jeuet keu manusia nyang barô. Ngieng kheueh, banmandum ka jeuet keubarô. 2 Korintus 5:17

- Gata jeuet keu aneuëk Allah.

Teuma banmandum ureuëng nyang teurimong Gobnyan dan meuiman ubak Gobnyan geubri hak keu awaknyan jeuet keu aneuëk-aneuëk Allah. John 1:12

Buet-buet nyang jroh kon saboh jalan keu geutanyoe untuk seulamat, tapi saboh bukti atawa boh keuseulamatan geutanyoe.

Sabab meusaboh ngon Isa Almaseh, Allah geucebta tanyoe mangat tanyoe tapeubuet buet-buet nyang gét. Efesus 2:10.

Lam lendungan po!